



江蘇省地方志編纂委員會辦公室 編

江蘇歷代方志全書

10



江蘇省地方志編纂委員會辦公室編



鳳凰出版社

江蘇歷代方志全書

10

省部

ISBN 978-7-5506-2279-1



圖書在版編目(CIP)數據

江蘇歷代方志全書. 省部 / 江蘇省地方志編纂委員會
辦公室編. — 南京 : 鳳凰出版社, 2015. 11
ISBN 978-7-5506-2279-1

I. ①江… II. ①聞… ②陳… III. ①江蘇省—地方
志 IV. ①K295.3

中國版本圖書館CIP數據核字(2015)第252778號

- 書名 江蘇歷代方志全書·省部
編者 江蘇省地方志編纂委員會辦公室
責任編輯 王劍 王愛榮 吳瓊 顧娟 崔廣洲
裝幀設計 姜嵩
出版發行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編:210009
出版社網址 <http://www.fhcbs.com>
經銷 鳳凰出版傳媒股份有限公司
印刷 揚州文津閣古籍印務有限公司
揚州市開發區鴻揚路22-2號(6幢), 郵編:211153
開本 889×1194毫米 1/16
印張 1863.25
版次 2015年11月第1版 2015年11月第1次印刷
標準書號 ISBN 978-7-5506-2279-1
定價 39200.00圓(全四十九冊)
(本書凡印裝錯誤可向承印廠調換, 電話:0514-87969255)

乾隆江南通志（六）



（清）

尹繼善等
黃之雋等纂修

第十冊目錄

乾隆江南通志（六）

.....

〇〇一

江南通志卷一百六十八

人物志

隱逸 一 江蘇松常鎮淮揚徐八府太通二州

江寧府

葛洪字稚川句容人性寡欲好異書尤耽神仙導養之

法屢避功賞授官皆不就以句漏產丹砂求為其令至

廣州刺史郡嶺留之止羅浮山著書名抱朴子

南北朝梁陶弘景字通明秣陵人神儀明秀讀書萬卷永

平中上表辭祿止句曲山自號華陽隱居築三層樓弘

景處上弟子居中賓客至其下梁武帝早與之游即位

後恩禮逾篤謚為貞白先生

江南通志卷一百六十八 人物志 隱逸

江寧府

阮孝緒字士宗陳留人出繼從伯印之居建鄴祖母遠

財百萬不納悉歸其姑性至孝于鍾山聽講母王氏忽

有疾兄弟欲召之母曰孝緒至性冥通必當自到果心

驚而反天監二年徵不至南平王偉以書要之不赴曰

非志驕富貴但性畏廟堂若使廢席可騁何以異夫驥

驥驥陽王妃孝緒姊也王嘗命駕就之鑿垣而逃著高

隱傳

唐余延壽開元中處士以詩名

韋平上元人號遺名子隱居鍾山飄然有物外之趣頗

真卿書其室曰三教會宗堂

陳融六令人幼有至性言若不出諸口游止皆有常處

好學不仕卒諡貞晦先生

元王德昇句容人讀書有儒者氣象至正間累辟不起

朱南強句容人多學善屬文隱居不仕德化鄉里所著

有驗辭稿同時侯藩丁復皆有高名

明居仁句容人洪武初以儒術徵入朝與對奕賜以內服

辭職不就歸隱於家人稱昭榮先生

王顯江寧人號溪漁子雄才尚俠後忽悔所為買書數

千卷閉門誦讀不問世事方孝孺稱為奇士

賀確字存誠居金陵少事博士榮一不利即棄去肆力

經史百家天文地理醫卜之書論古今事如倒囊出物

聞者聳聽曾薦修宋遼金三史辭不就

江南通志卷一百六十八 人物志 隱逸

二

江寧府

龍瑄字克溫才名籍甚與邱濬陳獻章為布衣交自號

半閑居士顧璘作半閑居士傳

史忠字廷直性任俠不羈薄權貴有不合輒引去遇所

善則留連忘懷自號癡翁作臥癡樓於冶城之麓意到

便行不告家人以所往沈石田贊其像曰玩世滑稽風

顛月癡酒筆淋漓水走山飛

金琮字元玉自號赤松山農還嘯清視人莫能窺書法

精工文徵明裝潢成帙題曰積玉

孫自修字無修江寧人天啓甲子舉人授陽江令遷京

大同感時亂忍盡遺愛多棄家視髮鬚於人迹罕至

處崇崇負重以自給其子間關往省教諭家事以學道



讀書論勉而已

李克愛字虛雲天性沈篤卜居長千里與李義人張異

公論學稱南郊三老

孫石字介臣上元人宿學有聲歲貢不仕抱道靜居足不踰戶論者謂之真隱

周維藩字覺菴上元人讀書不仕著史鑑闢微易學宗旨等書晚年精于內典

張怡字瑞星爲諸生父可大以總兵官盡節登萊隆怡

錦衣千戶甲申流寇陷京師逼怡降怡不屈械置複壁

中乘間逸歸築室攝山白雲峰以終老

國朝謝璣字在上元人明季歲飢區畫育嬰賑粥諸事都

江南通志 卷五十八 人物志 隱逸 三 江寧府

憲張璋以璣有濟世才薦於朝堅辭不就隱居龍溪

王應憲字德卿上元人少負奇氣文行聞於鄉隱居著

述有河漕水利鹽鐵諸考壽登大耋

程京蓐字韓老上元人能詩文尤工書法頗自矜重然

故交待以舉火者應之無吝色

蘇州府

周披裘公吳人延陵季子見路有遺金呼薪者取之薪者

瞋目曰何子居之高視之下儀貌之壯言語之野也五

月披裘而薪豈取金者哉季子謝之請問姓字曰子庚

相之士也何足語姓名竟去

漢月里先生姓周名術秦伯之後漢高帝時與東園公結

里季夏黃公俱出定太子號四皓今太湖洞庭山有月里村

龍邱萇王莽時隱居於吳更始立任延爲東部都尉折

節下士主簿鍾離意請萇爲門下祭酒延曰龍邱先生

躬德履義都尉酒掃其門猶懼辱之何言召因修書致

藥吏使相望於道積一歲萇乃詣府署議曹祭酒

晉張翰字季鷹吳人性任達時號江東步兵齊王辟爲

東曹掾因秋風起思吳中菰菜蓴羹鱸魚膾遂命駕歸

樓隱不出後同敗人謂見幾性至孝遭母憂哀毀過禮

唐陶峴晉徵士嶺南後開元中居崑山文學可以輕濟自

謂疎脫不謀宦達製三舟一以自載一置賓客一貯飲

江南通志 卷五十八 人物志 隱逸 四 蘇州府

俱有女樂一部奏清商曲逢佳山水必窮其勝經過郡

邑靡不招延獨不肯詣王公貴人山水浪迹三十餘年

吳越之士號爲水仙

陸龜蒙字魯望吳人元方七世孫居甫里多所論撰得

書熟讀讎比勤勤丹黃不去手有田數十畝屋二十楹

田苦下雨潦則與江通故嘗苦僦身親舂鋤所居前後

植杞菊與皮日休輩往來時乘小舟齋書一束筆牀茶

竈自隨時謂江湖散人累召不出光化中韋莊表贈右

補闕

徐修矩吳人持身介潔守遺書萬卷草屋十餘棗優游

自適皮日休嘗就借書讀之時有涇縣尉任晦亦同縣

人高放寡合退處里中願辟疆園有深林曲沼皮日休
陸龜蒙嘗過從焉皮陸並有二游詩

宋吳江漁翁不知何許人嘗櫂舟往來波上嘯傲自得扣
舷而歌聞中潘裕自京回道吳江遇而異之與語知其
高尚因勸之仕翁曰出處由人吾不能追園綺之高竊
慕老子曲全之義祇嗟歎問所處曰吾姓名向畏人知
况居室邪鼓枻而去

侍其河字國紀吳人博通經傳五舉禮部退為鄉先生
與人交殊淡泊遇急難奮義以往不避艱險治平三年
卒門人私諡曰夷時先生

江南通志 卷五十八 人物志 隱逸 五 蘇州府
閔邱孝終字公顯長洲人嘗知黃州未幾掛冠歸與崇

大年輩以耆德稱蘇軾謫黃時與孝終友善過吳嘗飲
酒賦詩其家有云蘇州有二邱不到虎邱卽謁閔邱

胡稷言字正思吳人少學文於宋祁受經於胡瑗以特
奏補官山陰丞不能究其所施遂乞致仕卽臨頓里陸

龜蒙故址築圃鑿池追陶靖節之遺風作五柳堂終隱
以老子峰委稟淳慤恬於榮利步趨言動皆有尺度人

目爲隱君子詩文簡古嶧子百能紹興進士知江山縣
有惠愛以年至請錫鉢軒冕有祖父風

楊懿儒字彝甫長洲人少孤力學言行相顧任真自信
不知世間有傾巧事崇寧間爲南昌簿一歲忽就妻子

歸吳高隱不入州縣與方惟深稱吳中二老

鍾璇字振遠常熟人於書無所不窺嘗游台州巖谷間
遇異人持列禦寇書揖而與坐磐石指一泓定水曰此
水泊滄乃皇極大中之道語久別去自是有悟築室梅
里二十年不出戶范成大薦於朝不報有續白孔六帖
顧禧字景繁吳人隱居光福山中閉戶誦讀所著書甚
富注蘇軾詩尤詳紹興間郡以遺逸薦不出

章康字季思吳人嘗問學於朱子默有所契隱居吳城
西安貧樂道足跡未嘗越州境而四方之人無不知有
章季思者

盛明遠吳江人咸淳六年鄉薦爲廣州錄事判官宋亡
隱居不仕元世祖聞其名召判惠州自以世受宋恩辭

江南通志 卷五十八 人物志 隱逸 六 蘇州府
不就詔書迫責乃變姓名從老氏以終同邑孫銳字穎

叔咸淳七年舉於鄉宋亡遂不復出隱居平望之桑聚
村林泉頗勝賦詩寓意又沈姓字自得吳人宋上舍生

江南內附乃構山房著道士服隱迹終身皆宋之遺民
也

元黃公望字子久號大癡道人本常熟陸氏少喪父母依
永嘉黃氏遂因其姓補浙西憲掾以忤權豪棄去黃冠

野服往來三吳博洽羣書於技能無不通曉尤精山水
師董源巨然後稍變其法自成一家所著山水訣世多

宗之
袁易字通甫長洲人爲石洞書院山長歸隱吳松之濱

趙孟頫最重之作臥雪圖以贈所著有靜春堂稿

張介福字子祺自懷慶徙吳中少受學於詩衛二親早

終遂無仕進意張士誠入吳介福恐亂兵發先往廬

焉士誠聞其名欲招致之不可饋之力辭病且死謂其

友曰吾志慕古人未能萬一惟無污於時庶幾哉遂卒

湯公雨字均澤性淳篤有學行工詩至正末由江陰徙

居於虎邱之山塘隱居不仕以吟咏自娛詩載四朝詩

中

明謝常字彥銘吳江人洪武時舉秀才召見試丹鳳朝陽

賦稱旨帝欲官之以母年百有六歲辭歸終養隱居震

澤東溪

江南通志卷五十八 人物志 隱逸

七 蘇州府

陳汝秩字惟寅吳縣人少失怙安貧樂道力學工詩書

得二王筆意高亢不苟交與唯授徒自給洪武初以人

才徵辭養母歸卒

韓奕字公望吳縣人少目青並得蒙卦知眇難瘳遂以

蒙齋扁室絕意仕進博學尤工於詩洪武中與王寶皆

隱於醫賓爲郡守姚善所禮乃因賓造訪之奕於布簾

內答云不在一日伺賓入室亦掩入之則走楞伽山善

隨至又泛小舟入太湖善歎曰韓先生所謂名可聞身

不可得而見也

錢芹字繼忠吳縣人勵志操以奇節著吳中郡守姚善

欲見之芹曰我民也無所置身乃請會於學官就質經

義芹曰此經生業耳豈無今日之急務乎善拜問出袖
中一簡授之而去啓視之皆戰守方略也後善死於靖
難芹亦與焉

范能字仲能崑山人少從毘陵謝應芳游稱入室弟子
精醫喜吟尤工書法永樂初被徵賦詩上郡守願養母
全其天年守憐而許之以著述爲事同里孫俊字叔
某能高弟也工詩不慕聲利有南溪草堂集葉盛爲之
序

邢暈字用理長洲人隱居葑門以卜自給陋室三間讀

書不輟尤工詩吳寬極重之郡守或請其詩暈曰古有

采詩無獻詩吾豈以爲羔鴈哉因削其稿後有吳人袁

江南通志卷五十八 人物志 隱逸

八 蘇州府

景休字孟逸善爲歌詩芒屨竹笠徧游吳越山水歸而

受一廛於吳市以賣卜終老詩多不屬草林若撫口授

其遺詩存二百餘首

邢參字麗文長洲人終日杜門誦讀一室立土行講授

里中以醇和稱貧無以朝夕泊如也徐貞卿諸君皆與

游嘗遇大雪訪之則屋三角滲雪參坐一角不滲雪處

怡然讀書若吟自若

沈周字啓南長洲人祖孟淵父恆吉皆高隱周學於陳

五經之子孟賢得前輩經學指授嘗以賢良薦筮得選

之九五遂耕讀於相城里所居曰有竹莊畫法董源書

法黃庭堅詩出入於杜甫白居易之間興至對客揮灑

煙雲滿紙盡成自題其上頃刻數百言風流文翰照映一時百年來東南之盛莫有過之者

史鑑字明古吳江人博洽好學執古信禮尤熟於史論千載事歷歷如見網羅舊聞筆之成編有洪邁之博詩力追魏晉家居水竹幽茂客至陳三代秦漢器物及唐宋以來書畫相與鑒賞好著古衣冠曳履揮麈望之者以爲列仙之癯也少受知於徐有貞與吳寬沈周爲友及歿竟表其墓

陸治字叔平吳縣人善繪事倣宋人而時出己意築室支硎山下藝名花數百種脩然自怡詩律秀潤

王綸字理之崑山人以儒臣薦預修武宗實錄善詩工

江南通志

卷五十八

人物志

隱逸

九

蘇州府

畫爲沈周入室弟子尤工篆隸楷法得歐陽詢筆意

朱鶴字白民吳縣人家貧授徒養親牀頭恆貯數十文曰買笑錢善畫竹寸楮尺素人爭寶之每談及靖難諸君子輒泣下網羅遺事作建文書法

居節字士貞吳縣人少從文徵明游詩律書畫徵明之門未之或先也家故隸織局織監孫隆聞其名召見不肯往拘繫破家就居半塘落落寡合每過晨未舉火吟嘯自若也詩名牧豕集

岳岱字東伯長洲人闢草堂於陽山白龍塢花木蔚然修竹萬竿自稱秦餘山人性狷介不妄與人交能詩善畫嘗輯其一時友朋之詩攸篋中中州集之例序而傳

之曰今兩瑤華

顧元慶字大有長洲人家近滄墅所居曰顧家青山藏書萬卷擇其善本刻之自經史以至叢說多所纂述年七十餘猶吟誦不輟岳岱曰陶潛田家之言浩然江湖之句時代雖殊旨趣相符時稱爲大石山人

趙宦光字凡夫吳縣人讀書稽古精於篆書與婦陸卿子隱於寒山足不入城市當事慕其名多造門求見者宦光亦不下山報謂子均字靈均傳其父六書之法日與賓客搜金石論篆籀問奇字訪逸典爲士大夫所稱周詩字以書崑山人喜讀書偶儻重然諾兼精醫作內經解游京師詩文播公卿間少試方藥輒效欲以尙醫

江南通志

卷五十八

人物志

隱逸

十

蘇州府

官之拂衣去游武林匿影僧寺通賢學孔天印閔岳王題壁得詩作大驚命駕往謁與定交武林人爭延致之不憚辭歸隱不復出

包捷字警幾吳江人崇正壬午舉人流賊陷京師削髮入穹窿山足迹不入城市

國朝楊補字無補長洲人少貧工詩畫爲人孝謹重然諾居鄧尉山以操行高潔稱

徐枋字昭法長洲人明季舉人自少播染家學湛深經術痛父汧殉甲申之難隱居靈岩山之上沙五十年雖窮餓餽遺不受間作書畫以自給巡撫湯斌知其賢屏騎從兩蒲山中訪之不得見年七十三卒

戴笠字耘野吳江諸生入秀峰山爲僧旋返初服隱居
朱家港教授生徒上屋三間炊煙時絕編纂不輟笠同
縣諸生徐白字介白隱靈岩山之上沙種蔬藝果拈拾
自給詩畫蕭疎無俗韻故舊至掃葉煮泉三十年不出
史兆斗字辰伯長洲人少棄諸生好古力學博通前明
典故小至故家遺老流風軼事無不備熟尤喜蓄異書
所購率皆祕本或手自繕錄積至數千百卷齋居校讎
輒爲疏注其旁年八十餘卒汪琬爲之傳

金俊明字孝章吳縣人棄諸生混迹詩人詞客問工書
善畫墨梅論者擬之鄭思肖之蘭云子侃字亦陶亦工
書畫能詩杜門鈔書校讎精審宋元人名集祕本插架

江南通志

卷五十八

人物志

隱逸

七

蘇州府

甚富

文點字與也長洲人震孟孫幼能詩叔乘殉甲申之難
家盡破依墓田以居肆力詩古文詞間寫山水人物巡
撫湯斌嘗屏車騎訪之問及餽粥計對曰菜羹蔬食足
以安人性情堅人操行少或有餘將移所守斌稱善從
弟揆字賓日和州教授嘉之曾孫清修古行閉門不輕
與世接哦詩染翰自娛以老

顧苓字云美長洲人少篤學尤潛心篆隸凡碑版及鼎
彝刀尺款識魚蟲科斗之書皆能誦之臨摹秦漢銅章
玉印見者以爲不減吾行云

褚篆字蒼書長洲諸生達於經學能作擘窠書己卯

聖祖南巡召見吳中耆碩於行在篆書行草各一幅蒙

嘉獎賜海鶴風姿四大字時年九十三矣

王武字勤中吳縣人鑒六世孫工詩尤長於畫先世所
遺及購獲宋元名蹟心摹手追悉能冥會高潔蘊藉嘉
遜邱園汪琬爲之傳以爲吳中老成典型其風尙標格
與前明杜瓊沈周陸治相伯仲云

司馬衍字磐莊長洲人受易於休寧程智傳極數辨物
之學年九十餘卒有語錄若干卷

俞瑒字犀月長洲人通經史上下千百年徵引考據原
原本本如燭照數計顧嗣立選元詩注韓愈溫庭筠集
商榷爲多

江南通志

卷五十八

人物志

隱逸

七

蘇州府

陳逢午字方中常熟人篤行好學不苟言笑及語道義
輒極論終日不倦教子讀書以立行爲重日當知文藝
外矢有事在所著詩文甚富兼工楷隸

松江府

宋王奎華亭人風韻高邁慕神仙遐舉之道自號蟾谷真
士嘉定寶慶間再徵不起

謝國光字觀夫華亭人宋亡不仕元治書侍御史程鉅
夫奉詔使江南搜訪遺賢以國光薦杜門稱疾堅辭不
赴棲隱終身

衛富益華亭人宋亡設壇祭文陸死事諸人詞極悲憤
隱居教授不應有司之薦後攜子避地雪上卒年九

六

元曹知白字又元華亭人大德中薦授崑山教諭不就嘗游京師諸公欲奏辟之謝曰吾豈齷齪求官者耶卽日南歸隱居讀易足不踰戶人稱貞素先生畫亦列能品楊謙字竹西華亭人讀書尚志不樂仕進多高人勝士之交嘗築小樓登眺海中大小金山題曰不礙雲山樓楊維貞貝瓊俱爲歌咏

陸厚華亭人宅東有園自號東園散人博洽經史元季避亂浙中兵息返故廬日放浪峰泖間善按摩治療人疾有詩號古漁唱

孫稷字長慶華亭人言行謹飭嘗舉爲文學官兵興遂

江南通志

卷五十八

人物志

隱逸

七

松江府

不仕築室橫雲山之支隴名曰小山招隱讀書賣藥以

終老

儲泳字文卿華亭人與弟游隱居周浦竝以詩名

唐時字中甫華亭人幼遭親喪哀毀盡禮及長以先世受宋恩誓不出仕至正末張士誠陷郡杜門自守以壽終

陸居仁字宅之青浦人泰定中舉於鄉工詩古文隱居教授自號雲松野衲與楊維貞錢惟善稱三高士

楊德懋華亭人明方氏春秋九究心太極圖諸書買田瀛山西躬耕不仕洪武初詔徵天下賢才有司薦問德懋既遜言辭召竝自眇左目以示廢疾不可用優游湖

上卒里八稱爲自廢公

明錢全字慶餘華亭人通涉經史元季張氏據吳全聚隱居盤龍岡不爲其用洪武中卒所著有續松江府志諸書

焦伯誠華亭人潔身修行事母孝通五經鄉會試聘典衡文皆辭疾不赴教授於鄉門人多頌者

黃鑑字明夫華亭人博學而貧三十未娶進士李萱慕其賢以女妻之鑑悉却奩具夫婦織紉白紵晚年結茆

千山曰八峰小隱所著有山樵傳說門人錢福爲立傳張初字太初華亭人少游文徵明門長於詩兼工書畫

晚居沙岡墓廬四十年不入城市家口益貧意泊如也

江南通志

卷五十八

人物志

隱逸

十四

松江府

同邑陸尙書樹聲以雲間伯夷日之人皆稱貞白先生

王嗣響字霆叔華亭人以淹達爲時所稱性耿介侍郎唐文獻通政許樂善皆少與同學及貴顯後過從輒不

見有所贈亦不受取古人窮堅老莊二語自號兩益居士

士

俞寰字允寧華亭人喜讀書工詞賦醫卜篆刻無所不能而不求人知居青村終歲不一入城府

李世邁字懷古華亭人少慕高隱明末棄經生業構室

高槐古梅中竹爐泉茗興至鼓琴一再行聞雨滴芭蕉聲則喜而不寐授徒自給硯田有贏則以助葬曉後

閩朝張若義字吳東華亭人明季進士仕泉州推官擢主事

歸而棲隱郊野四十年自號味閒漫樵郡守直指欲薦舉隱逸堅辭不就閉戶著書以終子孫章探花及第翻進士俱有文譽

王光承字珍右華亭人歲貢生博學工詩文才名籍甚淡於榮利明季屢辭徵辟不就後偕弟烈字名世隱居上海之新場鎮躬耕養父足迹不入城市者三十餘年無子依壻楊愷以沒所著錄山堂集外孫日徵收輯之莫秉清字子先華亭人明布政如忠曾孫蚤歲爲諸生有聲明季避兵浦東遂隱焉性耿介不妄交人造廬者亦罕得見博覽載籍所著詩文甚多

江南通志

卷八

人物志

隱逸

七

松江府

吳騏字日千華亭人明季爲諸生有盛名與王光承兄弟結深契明亡以後屏迹荒山光承稱騏堅苦自守三旬九食五月披裘悔之不忍周之不受爲得其實云著有頌頤集

沈浩然華亭人明兩廣總督猶龍子府學生有雋才閉戶讀書不樂仕進雖饗養不繼處之晏如工八法爲時所重稱雪峰處士

蕭中素名詩以字行華亭人隱於匠高致絕俗詩最有名曰釋柯集

諸嗣鄧字乾一青浦人順治辛丑進士居細林山自號九峰主人徧搜諸勝作九峰志康熙九年十九年郡大被設粥廠以拯飢

常州府

漢陸瑜字仲芳昆陵人明京氏易尚書尤精風角星算辟主簿謝病去隱會稽山

南北朝梁蕭詠素惠開子性靜退仕梁累官中書侍郎求爲諸暨令到縣十餘日挂冠縣門而去獨居屏事非親戚不得至其離門武帝嘗賜錢八萬一朝散之親友

唐魏璞字不琢毘陵人才高志於隱居三十年與皮日休陸龜蒙善每秋風時乘舸游湖往來當世高之

宋王克巖宜興人隱居不仕王安石高其節贈之詩有先生醉臥松花裏春去人間猶不知之句

江南通志

卷八

人物志

隱逸

六

常州府

年元豐元祐間廷臣歷薦不起卒賜諡正素先生孔元度至聖五十二世孫建炎時五世祖若罕與子端志俱高抗不仕元度淳祐間避居沙上號馬洲書院教授生徒

包天麟字仁甫江陰人咸淳間舉博學宏詞科不就嘗註詩書易春秋傳義元旌其門明江浙儒學提舉

元蔣捷字勝欲宜興人德祐中進士元初晦迹不仕大德中憲使臧夢解陸厚俱薦其才不就博學工詞學者稱

竹山先生

許恕字如心江陰人家北郭號北郭先生邵使者薦授澄江書院山長不執兼工醫術有北郭集

李時可元末居馬跡沙楊維貞客其家供饌華美歌聲極一時之盛明祖下江南助軍餉萬石後以巨筏浮海去不知所終

明倪瓚字元鎮無錫人工詩善書畫所居有閤曰清閬藏書數千卷古鼎法書名琴奇畫陳列左右高木修篁縈繞其外四方名士日踵其門自號雲林居士家故雄於貲至正初悉散給親故兵興後扁舟箬笠往來震澤三泖間張士誠兄弟屢欲致之不可得及吳平黃冠野服以終年七十四

焦先生不知其名家江陰之虞門里太祖故人洪武初詔有司徵求甚急恐爲有司累乃持雞酒馳甬道入見

江南通志

卷之六

七

常州人

太祖班坐對飲如微時賜以金玉角三帶取角者陰於戶後挂之去人比之嚴光

華希顏字以愚無錫人元末不仕洪武初辟爲本府訓導不就以老病辭隱居東湖

李大椿字茂卿無錫人博學工文隱居梁鴻溪洪武初詔爲御史力辭附使者上太平十二策

杏林叟不知其名或云姓董隱居暨陽山遇異人授以鍼術能立起人危疾謝以貲不受但令人種杏一株久而成林高啓爲作杏林叟傳

張機字子樞郡人託漁自隱多行陰德高啓有澄江嬾漁記

華宗韓字公愷無錫人博綜經史元季兵興奉親往來蘇松間事平還錫修身教家集古人嘉言懿行爲一書曰應得集洪武中屢徵不起

王文晏字文靜宜興人元季兵亂隱居不仕以吟咏自娛舍旁皆植梅自號梅西詩詞清麗書畫師宋克王蒙皆造其妙洪武中以賢良徵辭疾不就

吳綸字大本宜興人風神散朗操履修潔非公事未嘗一入城府創別墅三於溪山間南曰樵隱西曰漁樂以陶潛自擬因自號心遠居士

秦旭字景暘無錫人詩格類陸游晚集諸高隱勝詠慧山之麓名曰碧山吟社凡十八年皆七十八十衣冠甚

江南通志

卷之六

人物志

隱逸

七

常州人

偉望若神仙好事者繪圖傳之

尤文字務樸無錫人居東郭回溪里學以宋儒爲宗領鄉薦卽隱居不出孝宗遣行人齎書徵之以母老力辭胡濙周忱交薦之終不就又邑人許世卿有孝行亦以孝廉隱居不仕守令不得覩其面有中解編諸集

薛章憲字堯卿江陰諸生工詩古文與人相投擬之商彝周鼎性喜佳山水意到輒輕數十里赴焉居賓坐中斂肱默坐貌古神清

謝遜字景先宜興人父三錫家貧力學以樸誠率後進遜崇正癸酉鄉舉內行修飭紳評稱爲真孝廉中年杜門與沛縣閻爾梅徽州徐枋並持高節雅好施與知交

匱乏多待以舉火教遊甚富尤達于易詩

徐弘祖字霞客江陰人性好奇徧遊天下名山水遊履所紀不加點綴曲盡勝趣嘗上華山心動馳歸母正屬疾服闋人闕出微外欲窮探河源歸竟不食卒

許肇篪字壘友宜興人弱冠知名博學工文章意氣豪逸明季棄諸生放浪吳越間爲詩自娛

蔣偉字韋人宜興人工詩嗜酒乞詩者必載酒詣之酒盡詩立成各滿其意其不以時詩者輒漫罵之聲若巨雷身長七尺學使者奇其貌令作蟋蟀賦立成閱之稱善曰子誠材然令後世惜之者必子也後棄諸生自涸於酒詩亦日益奇晚有故人子入滇送之江上吟咏連

江南通志

卷八

人物志

左

常州府

日歸而卒

國朝吳璇字叔度宜興人幼立品行恥儕流俗爲諸生時巡按御史以端方薦後舉崇正癸未進士差理江北餉驅游兵立保甲銀不入庫解不越宿史可法特薦之入國朝足迹不入城市閣部交薦不就同里吳永祺字文剛爲人孝友能周卹宗黨立品與璇相似

孫夢簡宜興諸生篤孝友隱居教授生徒以紫陽山學爲式邑令欲識其面謝不可雅慕倪瓚爲人卒時命以璫畫幅殉

陳貞慧字定生于廷子少在復社有名阮大鍼以逆案久錮謀復用貞慧及池州吳應箕無錫顧杲等草檄攻

之後大鍼起南都侍郎乃以他事屬鎮撫司逮治尋得脫屏居故里坐臥一小樓不入城市十二年而卒

李介立江陰人明季詣闕獻策不報遂徧歷天下山川而歸老居僧舍貧困不支邑令聞名訪之匿不見終身不婚卒友人陳其忠葬之

惲格一名壽平字正叔武進人生而敏慧八歲咏蓮花驚其長老尤工繪畫花卉蟲鳥意態飛動而題詩書法兼工故世稱南田三絕爲人孝友敦篤不謁當事有古君子風晚與同里五君子聯吟稱六逸五人者高士胡香吳字芋莊經師陳鍊字道氣諸生楊宗發字起文董大倫字敷五唐惲宸字仲元也

江南通志

卷八

人物志

左

常州府

朱應鼎字凝和靖江人爲人端方嚴教授鄉里從游者多以文行著聞

鎮江府

漢焦先字孝然本河東人隱居京口之焦山世傳焦山以先得名然無可徵

南北朝宋爾康之字伯愉河東揚人居京口屢辭徵辟顏延之等十人入山候之見其散髮席松葉枕石而臥了不相盼延之等咨嗟而退爲毛詩義疑滯多所釋尤善左氏春秋又造禮論十卷齊高帝絕賞愛之

齊臧榮緒幼孤貧灌園自給純篤好學括東西晉爲記錄志傳百一十卷隱居京口不受朝命與爾康之號京口

二隱

梁諸葛璩字幼玖琅邪陽都人世居京口幼事關康之博涉經史復師臧榮緒榮緒著晉書稱璩有發擢之功方之壺遂建武初徐州行事江祀為璩為諫官從事不就馬樞字要理博洽羣書尤善周易老子邵陵王綸為南徐州刺史引為學士曰吾聞貴爵祿者以巢由為桎梏愛山林者以伊呂為管庫東名實則芻芥柱下之言玩清虛則麀牝席上之說稽之篤論亦名從其好也乃隱於茅山親故竝居京口秋冬之際時往游焉

宋邵鍊丹陽人范仲淹王淇相繼守閭以鍊守道邱園素有節行屢薦之不就賜號冲素處士

江南通志 卷五十六 人物志 隱逸 三 鎮江府

陳輔丹陽人少負雋才不事科舉自號南郭子與王安石交善安石用事絕不與通孤介寡合古之獨行者也蘇焄字元晦丹徒人隱居藏修自號東山樵隱趙礪老以遺逸薦於朝時相以隱逸之人宜遂其高書滄浪二字遺之

李迴字叔友丹徒人高尚不仕士林宗之董弁白太守虞奕曰治下有隱君子盍訪之虞曰願之久矣乃攜具偕董詣迴迴野服見之明日以詩謝不至其門

周方叔字矩道高郵人隱居潤之五州山讀書自娛或終日不食鄰僧乞米送之一日農卿龔集常州孫吳會同造其廬無以為具乃以藜羹食客二公欣然盡歡而

去

孟逢大丹徒人弟逢原竝以道德名世講業者百餘人王龍澤陸秀夫皆其弟子人稱大小孟先生皆不仕陳膺字登父居京口剛毅寡合入元隱居教授自號薌林子

明丁熙拱字伯輝丹徒人僕茂有古風太祖駐蹕北固山召見多擢用者熙拱獨以老疾辭

茅溱字平仲丹徒人幼好學不求聞達閉戶著書有韻譜本義行世與郭佐卿輩倡和稱詩以布衣老於家

王堅金壇人讓產庶弟屏居一室潛心理學中丞周孔教薦之朝辭不起

江南通志 卷五十六 人物志 隱逸 三 鎮江府

芮城字巖尹溧陽諸生少負異才志在立行明末謝弟子員學耕山中故人有顯者訪之避不見貽書候問亦不發曰吾山澤之癯一與貴人接便喪所守時人目為真隱所著有易象傳解四詩正言禮記通識綱目分注拾遺與白盤山湯泰亨相析疑問義泰亨亦隱士歲遇君親子卯日則屏食堅臥不起年八十五自知逝期別親友手題墓志沐浴而逝

王鎰字叔聞金壇人樵諸孫歲貢生以詩名明末晦迹酒人牢愁悲憤不求人知人亦無知者錢謙益選列朝詩稱為王遺民

王元鏞字闇然鎰從弟明末棄舉子業以醫濟人貧者

亦與上藥不取僞藥身野服有隱操

淮安府

宋龔開字聖子淮陰人宋亡不仕家貧甚客至無几席子

沒後倚伏棚上就背按紙作唐馬圖人輒以多金購之
嘗爲文天祥陸秀夫作傳甚稱於時

明田潤字德潤安東人隱居教授雖結廬陋巷而門多長
者車轍以琴詩自娛人皆高之

國朝宋曹字邠臣鹽城人長於論事工詩兼善書法栖隱射

陽之濱自號耕海潛夫初詔舉山林隱逸郡縣敦趣上

道曹辭疾不就徵後大臣復舉應博學鴻儒選曹堅謝

益力人高其行稱射陵先生子恭貽康熙庚午舉北闕

江南通志卷之五十八

人物志

隱逸

三

淮安府

授鄆陵令

揚州府

秦邵平廣陵人嘗封東陵侯秦末種瓜長安城東瓜有五

色世稱東陵瓜

晉韓續字興齊廣陵人好文學潛退爲操東土並宗敬焉

司徒王導辟爲掾會稽內史孔愉上疏薦之皆不就

宋徐湘興化人有隱德不樂仕進

王伯起字興公泰州人父綸爲太常博士伯起當以恩

得官讓其弟父令舉進士日士不自重而與千百人旅

進坐軒廡下規合有司殊可恥也閉門深處踰三十年

仁宗英宗皆賜粟帛不強以仕

征集真州人事母孱居鄉恭謹與人未嘗校短長好著

書能詩有子五人長復次責相繼登進士第王安石表

其墓稱爲淮南善士

元高明興化人穀會祖懷德抱道晦迹不仕子椿元季避

地姑蘇却張士誠之聘士誠敗汚僞命者悉爲俘囚椿

獨超然

明高覆字世良興化人賦性清介兄穀秩台鼎覆布衣蔬

食晏如也錢溥題其宅曰明時巢許

王醇字先民揚州人早慧讀書如夙識弱冠工辭賦陸

弼卒維貞交相引重意不屑也善騎射擊劒曾一試京

師演武場將士皆愕貽醇笑而退父母命之室以羸病

江南通志卷之五十八

人物志

隱逸

苦

揚州府

辭徧游吳越佳山水參內典終於廣陵之慈雲菴

朱璵字楚琦寶應人通尚書周禮爲詩體韻道逸性嗜

琴音雙鶴人稱琴鶴先生景泰中詔舉賢良都御史王

竑薦之竟遁去

吳禮字中節寶應人事母以孝稱應貢入太學母老不

忍離人以何蕃擬之母歿遂不復仕隱居蓼花莊有蓼

莊吟

吳敏道字日南寶應人有異才篤內行隱居湖上鄉人

稱舫齋先生

王錫命字蒼勅儀徵貢生遭亂隱居寶應之蘆村刻鴈

堅苦督子力耕與北平劉文昭梁以樟中洲崔千城長